

Mud Volapüka

Nüm 63

30 yunul 2017

Bukemaboed

Fövot lekoned-mära yutopik
„Ventürs hiela ‚Nenolikan‘ e flenas omik“
fa hiel „N. N. Nosov“

Kapit degkilid. Spikot len tab [pö fidäd].

Nenolikan eklotom oki spido ed elöpiogolom ve tridem boadik frakatöl. Erea fom cemi, kel äbinon boso smalikumu ka ut donik, ab leplu koveniku. Bobä-fenäts tel ko körtens jönik äbinons ä l süt. Yan ä l bakun äkomon vü fenäts. Tab ästanon zänodü cem: löliko pebepladöl me vasodils, bovils ä bovedils kipü [ko] kompots, biskits, bastets, salajöleds, mielakeks ko pop, bodedils e zibs votik. Äjinos, das jicilils esluodfs ad beno daifidön Nenolikane. Nenolikan igo ekofudikom, ven eküpom daifidi so bundanik pö tab.

Jicilil ko herematanodil e jicilil ko herafLökotils ya äsegifofs tiedi. Jicilil ko herakrugöls äsüramenof juegedi podik se kreden.

Jiblövalogikan ekosükof Nenolikani ko jiflens okik. Jicilil ko herafLökotils pänemof: ‚Yat÷ül‘ <, jicilil ko herematanodil: ‚Liev÷ül‘ <, jicilil ko herakrugöls: ‚Libelul‘. Nenolikan ävilom seidön oki vifiküno len tab, ab ün tim et yan emaifikon e jicilils nog fol enügolof ini cem. Jiblövalogikan eprimof ad kosükön Nenolikani ko etans:

„Ekö! jicililädans obsik: jiel ‚Glügakrov÷ül‘, jiel ‚Fir÷ül‘, jiel ‚Bälid÷ül‘, jiel ‚Tubil÷ül‘.“



Jicilils ezüofs Nenolikani züo.

„Ilüflitor-li lü obs pö bälun?“ - Glügakrovül dagaheremik [ko herem dagik] esäkof.

„Si, medü bälun‘ - Nenolikan egesagof lucädo, logedölo tabi vifiliko.

„Bo, dredos-li ad flitön pö bälun?“ - Tubilül bigik esagof.

„Dredabiko kiovemo!.. Ab güö! Lenö!“ - Nenolikan ekoräkom oki.

„Binor kuradiku kion! Leno flitoböv pö bälun“ - Firül esagof.

„Kiöpao ilüflitor?“ - Bäliedül esäkof.

„De Florazif.“

„Kiöpo zif at topon?“

„Us“ - Nenolikan ejonom me nam lüodi [äl flan] nofümik. - „Len Kügaflumed.“

„No balna älelilob dö flum at“ - Glügakrovül esagof. - „Ba, ut topon fagiko.“

„Vemo fago“ - Nenolikan ezepon.

„Seidorsös olis len tab, voto tied ukoldikonöv“ - Jiblövalogikan evüdoft lotanis ad len tab.

Nenolikan no äkoedom begön oke [no äzogom] lunüpo. Vifiko eseidom oki leni tab ed eprimom ad besteigädön mudi me bastets, salajöleds, juegeds e kompots. Jicilils äfidofs ti nosi, bi vemo ävilofs dasäkön Nenolikani dö bälun. Fino Libelul no etaetof nuläli ed esäkof:

„Plidö! Sagorös: kin idatikon ad flitön me bälun?“

„Ob“ - Nenolikan egesagom, töbidiküno mufükölo maxülis e steifölo



ad vifiküno secuvön debeitoti bakota.

„Ö! Vo-li or?“ - vokäds päzilons de flans valik.

„Snatiko, [utanu binob] ob. Yulob!“ - Nenolikan eyulom e ti peteifom fa bakot.

„Kio nitediko! Plidö! Konorös dö atos“ - Tubilül ebegof.

„Kisi mögos konön dö atos üfo...“ - Nenolikan etenükom namis äl flans [demü kofud]. - „Hicilils obsik ya lunüpo äbegoms omi ad datikön bos: ‚Datikolös bos, o kompenan‘. Ägesagob: ‚Ya naütos obi ad datikön, o kompenans. Datikolsös its‘. Äsagoms: ‚No kanobs! Ga binobs stupiku, ab binol visedikü. Vo-li, atos binon fasiliku kol ol? Udatikolös!‘. Eyilidob: ‚Dasumö! Kisi kanob dunön kol ols üfo! Udatikob‘. Ed eprimob ad tikön.“

Nenolikan eprimom ad cuvön bakoti ko logod tikodafulik. Jicilils älogetofs omi nesufädiko. Fino Yatül ekünof ad ropön seili ädadulöl ed, eküpölo, das Nenolikan etenükom koapi lü bakot nulik, esagof neküniko:

„Estobor pö utos, das eprimor ad tikön.“

„Si!“ - Nenolikan evokädom, äsva egalikölo, ed eflapom tabi me bakot. - „Ätikob nenropo dü dels kil, ed kisi niludors-li? Ga idatikob! Isagob etanes: ‚Ekö!, o kompenans: bälun obinonös pro ols!‘ Ed ijafädobs bäluni. Igo poedan: ‚Florülan‘ < dö ob... labobs poedani somik... ipoedom poedoti: ‚Nenolikan obsik idatikom bäluni...‘ u so-la: ‚Idatikom bäluni Nenolikan obsik...‘ u so-la: ‚Bäluni obsik idatikom Nenolikan...‘. Nö!, iglömob! Poedoys poedotis ga mödik dö ob, no mögos ad memön onis valik.“

Nenolikan dönu eprimom ad cuvön bakoti.

„Lio ijafädors bäluni üfo?“ - Jiblövalogikan esäkof.

„Vö! atos äbinon vobodu gretik! Hicilils valik obsik ävoboms dü dels lölik. Seiman äsmivon me gum [krüdajälak], votikan äpömon me pömöm, ab ob te äzigolob ed äfeifob... güä noe äfeifob, ab äbüdob alikane kisi nedos dunön. Nek äsueomon bos nen ob. Änedos ad plänön e jonön [büä=dunön]. Vobod äbinon vemo gididiku, bi bälun äkanon spranön ün minut alik. Labob keyufanis tel: ‚Skrübül‘ e ‚Lebuonül‘ <, mastans vemo skilik. Kanoms mekö

valikosi, ab laboms tikäli fibik. Nedos ad plänön e jonön valikosi [ai] omes. Kludo iplänob etanes vio jafädön bäluni. E vob eprimon ad progedön [plöpön]: stemacaf kukon, vat gargulon, stem feifon, kio mödikos padunon!“

Jicilils äлилofs Nenolikani taetölo natemami.

„Ab latikumo? Kis äjenon latikumo?“ - jivalikans äsagofs, töbo Nenolikan estopedom.

„Fino del de-flitama ikömon“ - Nenolikan ädönufövom. - „Lövikans mils anik ikobikons! Ömikans ästetons, das bälun öfliton, votikans - das no öfliton. Komip [feit] idavedikon. Utans, kels äsagons, das bälun öfliton, ädaflapons utanis, kels äsagons, das no öfliton, ab utans, kels äsagons, das no öfliton, ädaflapons utanis, kels äsagons, das öfliton. U nö-la... ba, güo: utans, kels: ‚öfliton‘ < ädaflapons utanis, kels: ‚no öfliton‘... U nö-la, güo... Valemo, no ämögös ad säbrulükön [suemön]: kin ädaflapon kini. Alikan ädaflapons valikanis.

„Benö!“ - Jiblövalogikan esagof.
- „No konorös dö feit, ab dö bälun.“

„Rajanö!“ - Nenolikan eyilidom.
- „Valemo, etans efeitons bevü ods, ab enüxänobs ini bäset, ed esagob spikädi: ‚Adeflitobs, o kompenans, adyö!‘ Ed eseflitobs löpio. Efi-löpikobs, edonio-logedobs: ab glun dono no binon gretikumu ka bakot at.“

„Nekredovikö!“ - jicilils evokädofs.

„Yulob!“ - Nenolikan ekredükom.

„Ga no vüspikorsöd!“ - Jiblövalogikan esagof skaniko. - „No neletorsöd ome. No cütomöv.“



„Dido, no neletorsöd ome ad cütön... maleditö! verätikumo, no neletorsöd ad sagön veratodi“ - Nenolikan esagom.

„Konorös, konorös!“ - jivalikans ävokädots kobo [valiko].

„Gudö!“ - Nenolikan äfövom. - „Äflitobs löpio. Süpo: bum [ton joika]! No löpio-flitobs. Elogedobs: ekobojokobs ta lefog. Kisi [nedos ad] dunön? Esumobs cüdi, educöpobs hogi da lefog. Dönu älöpioflitobs. Süpo eküpobs, das flitobs güflekiko [ön stad güflekik]: sil binon dono, ab glun löpo.“

„Kikodo üfo?“ - jicilils estunofs.

„Nata-loned“ - Nenolikan eplänom. - „Sus lefogs ai flitoy güflekiko [ön kop äl don]. Efi-flitobs ebo löpikünio [ad löpiküno], ab us kold binon mö grads mil e dim bal. Valikans eflödikobs. Bälun ekoldikon ed eprimon ad falön. Ab äbinob käfikü ed ibüo-büedom nüpladön sakis ko sab ini bäset. Eprimobs ad sejedön sakis. Äjedobs, äjedobs - saks efinedons. Kisi dunön? Ab älabobs hicilili nemü: ‚Nolikan‘. Dredälan kion! Eküpom, das bälun falon, ed eprimom ad drenön, ab poso süpiko esebunom donio ko falajelom - ed ätevom lomio. Bälun sunädo ecenon ad leitikum e dönu älöpikon. Poso süpo dönu äfliton donio, ed kio ekobojokon ta glun, ed kio edejokon [löpio], e dönu kio ejokon... Edefalob se bäset - hö! ejokob len kap ta glun!..“

Ejäfälikölo, Nenolikan elen-flapom tabi me pun ed edrefom basteti. Ninäd ese-juton plödio de bastet äl flans valik.

Jicilils edremofs e ti edofalofs de stul.

„Ab kis [äjenon] latikumo?“ - esäkofs, esäkofudikölo.

„Ab no memob kis äjenon latikumo.“

Seil äbinon. Jicilils valik älogedofs Nenolikani stuniko ed igo boso stümiko. Äbinom heroedanu cedü ofs.

Fino Jiblövalogikan esagof:

„Vemo idredükors obis dub



bälun orsik. Äsoaro ädrinofs tiedi pö bakun. Süpo eküpofs: bälun klöpik gretik fliton, elüfliton lü dom obsik, ekobojoikon ta kiud... E süpo - ‚babah [tonät]‘! Bälun espranon, ab kü elürönofs, täno esetuvofs te bäseti binü bimakrut biadik.

„Äseator äsvo deadan!“ - Lievül evüspikof. - „Lejek kion!“

„Juk bal ästadon pö fut orik, votik älagon len kiud, ab hät - pö bim“ - Yatül eläükof.

„Sliv bal pedesleiton de jit, ed ituvobs oni te agödo“ - Libelul esagof. - „Änedobs dranöfiko lennägön slivi at ge lü jit e nägedön hogi pö blit.“

„Üfo kikodo ireafob domi at?“ - Nenolikan esäkof.

„Iloveblinobs ori isio. Ga no ämögös ad blibükön ori pö yad dü neit!“ - Jiblövalogikan egesagof.

„Ga äbinor ebo ti deadiku“ - Lievül dönu evüspikof. - „Ab Pulmonar isagof, das bo ökanor dönulifikön, bi labor nämöfiki... sa-u-ni.“

„Si, labob koapi nämöfik, abi labob kapi nämöfikumu“ - Nenolikan esagom pleidülo. - „Votikan pla ob suföv-la breinokonkudi.“

„Bo, ädesinor-li ad sagön eli , breinokonkud‘?“ - Jiblövalogikan eblametof.

„Si, breinokonkud“ - Nenolikan ekoräkom oki.

„Ab äkonor, das äflitor pö bälun ne-soaliko?“ - Jiblövalogikan esäkof.

„Lesi, no soaliko. Obs degmäl äbinon. Ye dredäl-an-ül at: Nolikan< isebunom ko falajelom, klu utans degluls eposblibons.

„Kiöpo votikans valik stadons üfo?“ - Glügakrovül esäkof.

„No nolob“ - Nenolikan etovülom jotis. - „Ab ek äkomon-li pö bäset plä ob?“

„Ituvobs pö bäset te kölamastöfis e täva-pöteki.“



„Kölamastöfs ledutons lü Kölamarüd, ab tävapötek leduton lü Pilulülan“
- Nenolikan esagof.

Ün tim at yan pemaifükon e jiel ‚Nifaɣflogül‘ enürönof ini cem.

„Ilelilors-li nuni?“ - ävokädoɣ. - „Nun nulik! Nog bälun bal ilüfliton ed enafädon [ebrekon]. Hicilils degfol äflitoms pö on. Idoniofaloms äsoaro plödü zif. Te agödo, delaprimo, jicilils obsik ituvofs omis ed iyufofs omis ad reafön ad malädanöp.

„Ifädos-li, das inafädoms [piblütomis]?“ - Yatül eɣagvokädoɣ.

„No demorsös“ - Nifaflogül esagof. - „Pulmonar isagof, das pulekäloms.“

„Bo, atans binoms flenus obik“ - Nenolikan esagom. - „Anu utevob lü malädanöp ed uvestigülob valikosi.“

„Odugob ori“ - Jiblövalogikan ebailof oki.

„I otevob kobü ors“ - Nifaflogül esagof.

Te ebo ün tim et eküpoɣ mäplati klöpik pö flom Jiblövalogikana ed evokädoɣ:

„Ha!, o löfikan, sirkot kio plitülik labol pö flom! Poton vemo [binon vemo klotugik] kol ol. Atos binon vogädu nulik ad lenlabön sirkotis pö flom? Umekob-la oti pro ob.“

„Nö!“ - Jiblövalogikan egesagof - „atos binon mäplatu pö ob. Fädiko ikobojokob ta yan len flom.“

„Esuemob...“ - Nifaflogül peläsetöl esagof nevifiko.

Elüjutedölo lü lok,
eprimof lenükön lädahäti.

Cem vifiko evagikon.
Valikans eɣseaɣrönons ad
konön nuni nilädanes.



Reidolsös fövoti konota pö nüm fovik.